

# Statuts da l'Uniun da scolina Cuir USC

## 1. Num e sedia

Sut il um „Uniun da scolina Cuir USC“ exista in'uniun tenor art. 60 ss. CCS cun sedia a Cuir.

## 2. Scopo

Il scopo da l'uniun è:

- da sa cumponer da geniturs ch'han ina relaziun cun la Rumantschia e da promover cun quai la cuminanza rumantscha er en la chapitala.
- a s'engaschar per il sistem da furmaziun biling rumantsch-tudestg da la scola da la citad da Cuir e da promover quel.
- da represchentar envers ils portaders da la scola ils interess dals uffants resp. dals geniturs ch'èn dependents da vegnir transportads a la scolina u a la scola bilingua rumantsch-tudestga.
- da manar tut tenor dumonda e pussaivladads ina gruppa da gieu rumantscha,
- da realisar occurrenzas spezialas che stattan en connex cun la scolina bilingua (p.ex. il di da skis u la festa da curtin).
- da tgirar il contact cun la Lia Rumantscha.

## 3. Commembranza

Commembers activs cun dretg da vuschar pon daventar persunas natiralas ch'han cuntanschì il 16avel anniversari e persunas giuridicas. Ina tala commemoranza presuppona che mintga commember paja ordavant ina contribuziun da CHF 50.00. Almain in dals geniturs ch'ha in uffant en la gruppa da gieu sto esser commember activ. Geniturs dad uffants che van en la gruppa da gieu na ston betg pajar la contribuziun da CHF 50.00. Commembers passivs senza dretg da vuschar (faturAs) pon daventar persunas natiralas ch'han cuntanschì il 16avel anniversari e persunas giuridicas. Ina tala commemoranza presuppona da pajar ina contribuziun da fattur d'almain CHF 20.00. Dumondas da commemoranza èn da drizzar a la presidenta/al president da l'uniun. La suprastanza decida davart la commemoranza.

## 4. Scadenza da la commemoranza

La commemoranza scada

- tar persuna natiralas cun la sortida, exclusiun u la mort
- tar persuna giuridicas cun la sortida, exclusiun u exclusiun

## 5. Sortida e exclusiun

Mintgamai per la fin da l'onn da scola pon ins sortir da l'uniun. La dumonda d'exclusiun è da drizzar almain 3 mais avant la radunanza generala ordinaria a la presidenta u al president.

In commember po vegnir exclus da l'uniun da tut temp e senza inditgar in motiv. La suprastanza prenda la decisiun d'exclusiun. Il commember po far recurs avant la radunanza generala.

## 6. Meds finansials

Per pudair adempir il scopo da l'uniun dispona l'uniun da las contribuziuns dals commembers. L'import vegn fixà mintg'onn da la radunanza generala.

Ulteriurs meds finansials da l'uniun vegnan generads da sponsurs, dad occurrentschas manadas atras da l'uniun, da contribuziuns privatas e publicas sco era donaziuns voluntarias da tut gener.

## 7. Organs da l'uniun

Ils organs da l'uniun èn:

- a) la radunanza generala
- b) la suprastanza
- c) ils revisurs dal quint

## 8. Radunanza generala

L'organ suprem da l'uniun è la radunanza generala. Per regla il settember ha lieu la radunanza generala ordinaria.

Almain 14 dis avant vegnan ils commembers envidads en scrit a la radunanza generala, cun agiuntar la glista da tractandas.

La radunanza generala ha las suandantas incumbensas obligatorias:

- a) elecziun resp. nunreelecziun da la presidenta/dal president e da la suprastanza
- b) elecziun resp. nunreelecziun dals revisurs dal quint
- c) fixar e midar ils statuts
- d) approvar il quint annual ed il rapport dals revisurs dal quint
- e) approvar il preventiv
- f) fixar ils imports dals commembers
- g) tractar ils recurs d'exclusiun
- h) decider davart dissolver l'uniun e co reparter il retgav da liquidaziun

Mintga commember activ posseda ina vusch a la radunanza generala. Las decisiuns crodan cun la majoritad simpla. Commembers passivs vegnan envidads a la radunanza generala, possedan però nagin dretg da vuschar.

## 9. Suprastanza

La suprastanza consista d'almain 3 persunas. Quellas vegnan tschernidas per ina durada d'uffizi da dus onns. Igl è pussaivel da vegnir reelegi. Ils commembers da la suprastanza sco era la presidenta resp. il president vegnan elegids da la radunanza generala. Ils/las ulteriuras suprantAs sa constitueschan sasez; la suprastanza tscherna mo il/la vicepresidenteA e decida tge suprantA che surpiglia tge ressort (cassa, actuarA etc.)

La suprastanza è abla da decider mo sche la mesadad dals commembers è preschenta. Ins tira ina decisiun tenor la majoritad da las vuschs inoltradas. En cas d'egualitad da las vuschs, dat la presidenta u il president la vusch da tagl.

La suprastanza represchenta l'uniun anoravers e maina las fatschentas currentas.

## 10. Revisurs

La radunanza generala elegia mintg'onn dus revisurs dal quint, ils quals examinescha ina gia per onn la contabilitad e rapportan per mauns da la radunanza generala.

## 11. Suttascripziun

L'uniun s'oblighescha atras la suttascripziun collectiva dal/da la presidentA u dal/da la vice-presidentA ensemen cun in auter commember da la suprastanza.

## 12. Responsabladad

Per ils daivets da l'uniun garanteschia be la facultad da l'uniun. Ina responsabladad persunala dals commembers è esclusa.

## 13. Midadas dals statuts

Ils statuts actuals pon vegnir midads sche trais quarts dals preschents a la radunanza generala èn d'accords.

## 14. Dissoluziun da l'uniun

La dissoluziun da l'uniun po vegnir decidida da la radunanza generala cun trais quarts da las vuschs preschentas.

Il retgav da l'uniun suenter la dissoluziun va ad in'instituziun, la quala ha il medem u in scopo sumegliant.

## 15. Entrada en vigur

Quests statuts ha approvà la radunanza generala dals 3 da october 2016 ed entran en vigur cun questa data. Quests statuts rempazzan ils statuts dals 26 da settember 2012.

## Per la USC

Flavia Buchli, president  
Robert Stecher, vicepresidente